

in den Gedanken von dem Gesellschaftl. Leben der Mensch. *f. Polit. S. 369.* Quibus Dn. *LANGIUS*, ut in aliis Scriptis, ita & in novissima *Nova Anat. f. Idea Analyt. System. Metaph. Wolfian. Append. Q. I.* contradixit, argumentorumque denario contrarium demonstravit. Non est tamen hæc sententia *Wolfiana* Auctori suo peculiaris propriave, cum ante eum eandem jam proposuerit *BAYLE* dans *Pensées diverses écrites à un Docteur de Sorbonne à l'occasion de la Comete An. 1680. §. VI. sqv.* cujus placita velut in epitomen contracta exhibet, additâ brevi epicrisi, *SECKENDORFFIUS* in dem *Christen-Stat Addit. ad Lib. I. Cap. I. §. 16.* quorum centrum sit: Der atheismus sey nicht die nothwendige, sondern nur eine zufällige Ursache des bösen verderbten Lebens. Disputarunt & contra illum è nostris *PRITIUS* *Disp. de Atheismo & in se fædo & humano generi noxio*, *GRAPIUS* *Disp. de Controv. an Atheismus necessario ducat ad corruptionem morum? Et Theol. rec. Controv. Cap. I. Qu. VII.*

§. II.

Non opus arbitramur esse, moneri, quod sermo non sit de Atheismo practico, cum constet, eum formaliter in vitâ improbâ consistere, quasi nullus, cuncta videns audiensque, proinde nec mala vindicans, nec timendus, *DEUS* esset; sed de Atheismo theoretico seu speculativo, eoque non tam indirecto, quam directo, ubi, non per consequentiam demum, sed expressis verbis existentia *DEI* negatur. Quamquam aliàs certum sit Atheismum etiam indirectum ad impietatem ducere, cum primis, quando, licet existentia *DEI* concessâ, providentia tamen illius negatur, quem *Deismum* alias appellare solent. Quoad effectum enim moralem, *PUFENDORFIO* *Lib. I. de Off. Hom. & Civ. Cap. IV. §. 4.* rectè scribente, perinde est, utrum quis neget, *DEUM* existere, an ab eodem humana curari; cum utrumque omnem religionem planè tollat. Frustrâ enim metuitur aut colitur, ut in se sit prestantissimus, qui nulla plane nostri cura tangitur, & nihil boni malique in nos vult, aut potest conferre. Add. *LACTANTIUS* *Lib. de Ira DEI cap. 8.* Neque de eo dubium manet, num
Atheus